


Deloitte.



Skattamál
2019/2020

Efnisyfirlit

| | |
|---|----|
| Skattlagning einstaklinga | 4 |
| I. Tekjuskattur og útsvar | 4 |
| II. Frádráttur frá tekjum | 4 |
| III. Sérreglur um eignatekjur og arf..... | 7 |
| IV. Bætur | 9 |
| Atvinnurekstur | 11 |
| I. Opinber gjöld..... | 11 |
| II. Afskriftarhlutföll og fyrningar | 12 |
| III. Önnur atriði er varða aðila í atvinnurekstri | 13 |
| IV. Virðisaukaskattur..... | 17 |
| Aðrar upplýsingar | 18 |
| Vísitölur | 18 |
| Tvísköttunarsamningar | 18 |
| Upplýsingaskiptasamningar | 20 |
| Ýmsar aðrar breytingar | 20 |
| Gengi..... | 21 |

Skattlagning einstaklinga

I. TEKJUSKATTUR OG ÚTSVAR

Staðgreiðsla 2020, stighækkandi tekjuskattur

Árstekjur:

Frá kr. 0-4.042.995 (á mánuði kr. 336.916)
(tekjuskattur 20,6% + meðalútsvar 14,44%) 35,04%

Frá kr. 4.042.996 (á mánuði kr. 336.917) að kr. 11.350.472 (á mánuði
kr. 945.873) (tekjuskattur 22,75% + meðalútsvar 14,44%) 37,19%

Yfir kr. 11.350.472 (á mánuði kr. 945.873)
(tekjuskattur 31,8% + meðalútsvar 14,44%) 46,24%

Sé tekjuskattsstofn annars samskattaðs aðila hærri en kr. 11.125.045 skal það sem umfram er skattlagt með 22,75% skatthlutfalli allt að helmingi þeirrar fjárhæðar sem tekjuskattsstofn þess tekjulægri er undir kr. 11.125.045, þó reiknast 22,75% skatthlutfall aldrei af hærri fjárhæð en kr. 3.581.173 við þessar aðstæður.

Staðgreiðsla barna yngri en 16 ára

Af tekjum umfram frítekjumark barna kr. 180.000
(tekjuskattur 4% + útsvar 2%) 6%

Fjármagnstekjuskattur 22%

Af leigutekjum vegna útleigu íbúðarhúsnæðis
sem fellur undir húsaleigulög (50% frítekjumark)..... 11%

Gjald í framkvæmdasjóð aldraðra 11.740 kr.
Gjaldið er lagt á alla á aldrinum 16-69 ára sem eru með tekjur yfir skattleysismörkum á árinu 2020.

Útvarpsgjald 17.900 kr.
Gjaldið er lagt á alla á aldrinum 16-69 ára sem eru með tekjur yfir skattleysismörkum á árinu 2020.

II. FRÁDRÁTTUR FRÁ TEKJUM

1. Persónuafsláttur

Tekjuárið 2020 (kr. 54.628 á mánuði) 655.538 kr.
Tekjuárið 2019 (kr. 56.447 á mánuði) 677.358 kr.

Heimilt er að færa allt að 100% af persónuafslætti milli hjóna og sambúðarfólks sem og aðila í staðfestri samvist og skráðri samvist. Börn yngri en 16 ára njóta ekki persónuafsláttar. Eftirlifandi maki getur nýtt persónuafslátt hins látna í níu mánuði eftir andlát.

Skattleysismörk með lífeyrissjóðsfrádrætti 2020 1.948.779 kr.
Á mánuði 162.398 kr.

2. Löggjöld til lífeyrissjóða

Heimilt er að halda utan staðgreiðslu 4% af heildarlaunum sem greidd hafa verið til lífeyrissjóða sem hafa starfsleyfi samkvæmt lögum. Auk þess er heimilt að halda utan staðgreiðslu allt að 4% af heildarlaunum vegna viðbótartryggingarverndar að fullnægðum ákveðnum skilyrðum laga.

Framlag launagreiðanda til öflunar lífeyrisréttinda skal telja til skattskyldra tekna ef iðgjaldagreiðslur frá launagreiðanda eða sjálfstætt starfandi manni fara fram úr 12% af iðgjaldsstofni auk kr. 2.000.000 á ári.

3. Frádráttur á móti ökutækjastyrk

Frá ökutækjastyrk, sem launþega ber að færa til tekna, skal leyfa sem frádrátt tiltekinn kostnað á hvern ekinn kílómetra í þágu launagreiðanda, skv. ákvörðun ríkisskattstjóra. Aldrei leyfist hærri fjárhæð til frádráttar en talin er til tekna sem ökutækjastyrkur. Skilyrði fyrir frádrættinum er að fyrir liggi skriflegur afnotasamningur þar sem aksturserindum er skilmerkilega lýst og að færð hafi verið akstursdagbók, þ.m.t. á rafrænu formi. Færa skal þessi gögn reglulega og skulu þau vera aðgengileg skattyfirvöldum á hverjum tíma. Frádráttur tekur mið af því hver heildarakstur hefur verið í þágu launagreiðanda og þeirri fjárhæð sem gildir á hverju akstursbili miðað við hvern ekinn kílómetra, sbr. eftirfarandi töflu.

| Heildarakstur í km | Frádráttur á hvern ekinn kílómetra |
|--------------------|------------------------------------|
| 0-1.000 km | 111 kr. |
| 1.001-2.000 km | 109 kr. |
| 2.001-3.000 km | 107 kr. |
| 3.001-4.000 km | 94 kr. |
| 4.001-5.000 km | 92 kr. |
| 5.001-6.000 km | 90 kr. |
| 6.001-7.000 km | 88 kr. |
| 7.001-8.000 km | 87 kr. |
| 8.001-9.000 km | 85 kr. |
| 9.001-10.000 km | 83 kr. |
| 10.001-11.000 km | 79 kr. |
| 11.001-12.000 km | 77 kr. |
| 12.001-13.000 km | 75 kr. |
| 13.001-14.000 km | 73 kr. |
| 14.001-15.000 km | 71 kr. |
| 15.001 og meira | 66 kr. |

Hafi einstaklingur fengið greitt sérstakt gjald vegna aksturs á vegum þar sem ekki er bundið slitlag er heimilt að óska eftir að frádráttur verði 15% hærri. Hafi einstaklingur fengið greitt torfærugjald vegna aksturs á vegslóðum sem ekki eru færir fólksbílum er heimilt að óska eftir að frádráttur verði 45% hærri.

4. Frádráttur á móti dagpeningum

Dagpeningar eru greiddir vegna tilfallandi ferðalaga launþega á vegum launagreiðanda utan fasts samningsbundins vinnustaðar og er þeim ætlað að standa undir kostnaði launþegans vegna fjarveru frá heimili sínu, annars vegar vegna gistikostnaðar ef um hann er að ræða og hins vegar vegna fæðisкупа og annars tilfallandi kostnaðar sem af ferðinni hlýst. Á móti fengnum dagpeningum er launamönnum heimilt að færa frádrátt samkvæmt nánari reglum sem ríkisskattstjóri setur.

Leyfilegur frádráttur frá greiddum dagpeningum innanlands frá 1. október 2019

| | |
|---|------------|
| Gisting og fæði í einn sólarhring | 22.700 kr. |
| Gisting í einn sólarhring | 10.700 kr. |
| Fæði hvern heilan dag, minnst 10 tíma ferðalag..... | 12.000 kr. |
| Fæði í hálfan dag, minnst 6 tíma ferðalag | 6.000 kr. |

Leyfilegur frádráttur frá greiddum dagpeningum erlendis frá 1. janúar 2020 í SDR

| | Almennir dagpeningar | | | Dagpeningar vegna þjálfunar, náms eða eftirlitsstarfa | | |
|--|----------------------|-------|---------|---|-------|---------|
| | Gisting | Annað | Samtals | Gisting | Annað | Samtals |
| Flokkur 1: SDR <i>Moskva, New York borg, Singapúr, Tókýó, Washington DC</i> | 208 | 125 | 333 | 133 | 80 | 213 |
| Flokkur 2: SDR <i>Dublin, Ístanbúl, Japan (nema Tókýó), London, Lúxemborg, Mexíkóborg, Seúl</i> | 177 | 106 | 283 | 113 | 67 | 180 |
| Flokkur 3: SDR <i>Amsterdam, Aþena, Bandaríkin (nema New York borg og Washington DC), Barselóna, Brussel, Genf, Helsinki, Hong Kong, Kanada, Kaupmannahöfn, Madrid, Osló, París, Róm, Stokkhólmur, Vín</i> | 156 | 94 | 250 | 100 | 60 | 160 |
| Flokkur 4: SDR <i>Annars staðar</i> | 139 | 83 | 222 | 89 | 54 | 143 |

5. Erlendir sérfræðingar

Frá tekjum þeirra erlendu sérfræðinga sem bera takmarkaða eða ótakmarkaða skattskyldu hér á landi, sem ekki eru tengdar atvinnurekstri eða sjálfstæðri starfsemi, má draga 25% tekna fyrstu þrjú árin frá ráðningu í starf, enda séu ákveðin skilyrði uppfyllt. Staðfesting frá sérstakri nefnd skal liggja fyrir um að erlendi sérfræðingurinn uppfylli öll skilyrði til að fá slíkan frádrátt. Sjá nánar reglugerð nr. 1202/2016 um frádrátt frá tekjum erlendra sérfræðinga.

6. Hlutabréfakaup einstaklinga í litlum félögum í vexti

Að ákveðnum skilyrðum uppfylltum má, við álagningu opinberra gjalda á árunum 2017, 2018, 2019, 2020, 2021 og 2022 vegna fjárfestinga á árunum 2016, 2017, 2018, 2019, 2020 og 2021 draga frá tekjum einstaklinga allt að 50% frá tekjuskattsstofni að viðbættum fjármagnstekjum, af fjárhæð sem hann sýnir fram á að sé til komin vegna fjárfestinga í hlutafélagi eða einkahlutafélagi sem uppfyllir skilyrði laga um tekjuskatt. Fyrst skal dregið frá stofni til tekjuskatts og síðan fjármagnstekjuskattsstofni, að teknu tilliti til frítekjumarks vegna vaxta- og leigutekna. Ónýtt frádráttarheimild er millifæranleg í allt að þrjú ár. Sjá nánar reglugerð nr. 785/2016 um skattafslátt manna vegna hlutabréfakaupa.

III. SÉRREGLUR UM EIGNATEKJUR OG ARF

1. Almenn um fjármagnstekjuskatt

22% fjármagnstekjuskattur leggst á allar fjármagnstekjur manna utan atvinnurekstrar, svo sem vexti, verðbætur, afföll, gengishagnað, arð af hlutabréfum og stofnsjóðum, leigutekjur og skattskyldan hagnað af sölu eigna. Þó skal ekki reikna skatt af heildarvaxtatekjum að fjárhæð kr. 150.000 hjá einstaklingi (kr. 300.000 hjá hjónum). Fjármálastofnunum ber að draga staðgreiðslu af vaxtatekjum og afföllum og skila í ríkissjóð. Félögum með takmarkaða ábyrgð félagsaðila og samvinnufélögum ber að draga staðgreiðslu af arði sem þau greiða félagsmönnum sínum og skila í ríkissjóð. Lagt er á aðrar greiðslur er mynda stofn til fjármagnstekna einstaklinga við álagningu næsta ár á eftir tekjuári.

2. Leigutekjur

Hafi maður tekjur af útleigu fasteigna til búsetu leigjanda sem ekki falla undir atvinnurekstur teljast 50% brúttótekna án frádráttar til fjármagnstekna. Útleiga manns á íbúðarhúsnæði telst til atvinnurekstrar eða sjálfstæðrar starfsemi ef hinar útleigðu fasteignir eru fleiri en tvær. Ef tekjurnar stafa af útleigu íbúðarhúsnæðis sem fellur undir húsaleigulög og hinar útleigðu fasteignir eru ekki fleiri en tvær má draga frá tekjum manns af útleigunni leigugjald sem hann greiðir af íbúðarhúsnæði til eigin nota. Frádrátturinn leyfist eingöngu á móti leigutekjum af íbúðarhúsnæði sem ætlað er til eigin nota en er í útleigu.

Ef útleiga íbúðarhúsnæðis, frístundahúsnæðis eða annars húsnæðis telst heimagisting samkvæmt lögum um veitingastaði, gististaði, og skemmtanahald eru tekjurnar ekki taldar stafa af atvinnurekstri eða sjálfstæðri starfsemi. Skilyrði heimagistingar eru m.a. að útleigan hafi verið tilkynnt sýslumanni, að aðili hafi fengið skráningarnúmer, að heildarfjárhæð leigutekna viðkomandi heimagistingar á tekjuárinu nemi ekki hærri fjárhæð en kr. 2.000.000 og að fjöldi útleigðra daga fari ekki yfir 90 daga samanlagt á hverju almanaksári. Sé húsnæðið í útleigu tveggja eða fleiri manna skal við afmörkun heildarfjárhæðarinnar telja tekjur þeirra allra hjá hverjum og einum. Tekjur af starfsemi heimagistingar skulu skattlagðar sem fjármagnstekjur án frádráttar.

3. Söluhagnaður af hlutabréfum árið 2019

Einstaklingar greiða 22% fjármagnstekjuskatt af söluhagnaði hlutabréfa. Söluhagnaður hlutabréfa er mismunur á söluverði og kaupverði.

Kaupverð hlutabréfa sem skattaðili hefur eignast fyrir 1. janúar 1997 má ákvarða á tvenns konar hátt:

- Jöfnunarverðmæti hinna seldu hluta í árslok 1996, eða
- upphaflegt kaupverð hinna seldu hluta framreiknað til ársloka 1996.

Hagnaður einstaklings utan atvinnurekstrar vegna viðskipta með breytanleg skuldabréf sem breytt hefur verið í hlutabréf á lægra verði en nemur markaðsverði bréfanna telst til skattskyldra fjármagnstekna þegar hlutabréfin eru seld.

Skattlagningu hagnaðar vegna kaupa manns á hlutabréfum samkvæmt kauprétti, sem hann hefur öðlast í starfi fyrir annan aðila, er nú frestað þar til bréfin eru seld en fyrir þá breytingu átti skattlagning sér stað við nýtingu kaupréttar. Framangreint á einungis við um kauprétti skv. 9. gr. laga um tekjuskatt, þ.e. ekki um kauprétti skv. kaupréttaráætlunum sbr. 10. gr. laganna.

Heimilt er að draga tap af sölu hlutabréfa frá hagnaði af sölu annarra hlutabréfa á sama ári. Tap á hlutabréfum vegna gjaldþrots má ekki draga frá söluhagnaði af öðrum hlutabréfum.

4. Gengishagnaður

Tekjufærsla gengishagnaðar á innlánsreikningum í erlendri mynt á sér stað við úttekt af reikningi. Heimilt er að jafna saman gengishagnaði og gengistapi hvers innlánsreiknings fyrir sig innan ársins.

5. Afleiðusamningar

Litið er á tekjur af afleiðusamningum sem söluhagnað eign. Engin staðgreiðsla er því af slíkum tekjum og heimilt er að jafna saman hagnaði og tapi af afleiðum á tekjuárinu.

6. Arfur

Erfðafjárskattur er 10%. Enginn erfðafjárskattur er greiddur af fyrstu kr. 1.500.000 af skattstofni nema um fyrirframgreiddan arf sé að ræða. Maki greiðir ekki erfðafjárskatt. Skattstofn erfðafjárskatts er heildarverðmæti allra fjárhagslegra verðmæta og eigna sem liggja fyrir við andlát arfleifanda að frádregnum skuldum og kostnaði.

IV. BÆTUR

1. Vaxtabætur

Beir sem greiða vaxtagjöld af lánum vegna kaupa eða byggingar á íbúðarhúsnæði til eigin nota eða við kaup á búseturétti skv. lögum nr. 66/2003 og kaup á eignarhlut í almennri kaupleiguíbúð skv. eldri lögum, eiga rétt á vaxtabótum. Rétturinn stofnast á því ári þegar íbúð eða eignarhluti er keyptur eða bygging er hafin. Vaxtabætur ákvarðast samkvæmt upplýsingum sem fram koma í skattframtali. Þegar aðeins annað hjóna er skattskylt hér á landi eru vaxtabætur ákvarðaðar eftir þeim reglum sem gilda um hjón, að því gefnu að fyrir liggi upplýsingar um tekjur beggja.

Sérstakar reglur gilda til bráðabirgða um ákvörðun vaxtabóta við álagningu 2020. Vaxtabætur eru vaxtagjöld að frádregnum 8,5% af samanlögðum tekjuskattsstofni við ákvörðun vaxtabóta vegna tekna, eigna og skulda árið 2019. Bæturnar skerðast síðan hlutfallslega fari eignir að frádregnum skuldum fram úr kr. 5.000.000 hjá einstaklingi og kr. 8.000.000 hjá hjónum og þær falla niður þegar nettóeign nær kr. 8.000.000 hjá einstaklingum og kr. 12.800.000 hjá hjónum. Vaxtabætur skiptast jafnt á milli hjóna/sambúðarfólks.

Við ákvörðun vaxtabóta við álagningu 2020 er viðmiðunarhlutfall hámarksvaxtagjalda af skuldum 7% vegna tekna, eigna og skulda árið 2019. Vaxtabætur sem eru lægri en kr. 5.000 á mann falla niður.

Hámark vaxtabóta:

| | Vaxtabætur 2019 | Vaxtabætur 2020 |
|-----------------------------|-----------------|-----------------|
| Einstaklingur | 420.000 kr. | 420.000 kr. |
| Einstætt foreldri | 525.000 kr. | 525.000 kr. |
| Hjón og sambúðarfólk | 630.000 kr. | 630.000 kr. |

2. Barnabætur

Barnabætur árið 2020 eru greiddar vegna hvers barns innan 18 ára aldurs (f. 2002 eða síðar). Bæturnar eru tekjutengdar. Við ákvörðun barnabóta eru skerðingarmörk sameiginlegs tekjuskattsstofns hjóna umfram kr. 7.800.000 að kr. 11.000.000 og einstæðra foreldra umfram kr. 3.900.000 að 5.500.000. Hlutföll skerðingar eru 4% með einu barni, 6% með tveimur börnum og 8% með þremur börnum eða fleirum. Hlutföll skerðingar barnabóta af sameiginlegum tekjuskattsstofni hjóna umfram kr. 11.000.000 og einstæðra foreldra umfram kr. 5.500.000 eru 5,5% með einu barni, 7,5% með tveimur börnum og 9,5% með þremur börnum eða fleiri.

Til viðbótar barnabótum er greidd sérstök hækkun barnabóta að fjárhæð kr. 140.000 með öllum börnum yngri en sjö ára. Hækkunin er tekjutengd og skerðist um 4% með hverju barni af sameiginlegum tekjuskattsstofni hjóna umfram kr. 7.800.000 og einstæðra foreldra umfram kr. 3.900.000. Barnabætur sem eru ákvarðaðar lægri en kr. 5.000 á hvert barn falla niður.

| | 2019 | | 2020 | |
|--|-----------------------|------------------------|-----------------------|------------------------|
| | Hjón/ sambúðarfólk | Einstæðir foreldrar | Hjón/ sambúðarfólk | Einstæðir foreldrar |
| Með fyrsta barni | 234.500 kr. | 390.700 kr. | 234.500 kr. | 390.700 kr. |
| Með hverju barni umfram eitt | 279.200 kr. | 400.000 kr. | 279.200 kr. | 400.000 kr. |
| Hækkun vegna barna yngri en sjö ára | 140.000 kr. | 140.000 kr. | 140.000 kr. | 140.000 kr. |

Atvinnurekstur

I. OPINBER GJÖLD

Stofn

1. Tekjuskattur lögaðila vegna 2020

Hreinar tekjur

Félög með takmarkaða ábyrgð og samvinnufélög ...20%
Aðrir lögaðilar 37,6%

2. Sérstakur skattur á fjármálafyrirtæki (álagning 2020)

Heildarskuldir skv. framtali
umfram 50 milljarða króna

Viðskiptabankar, sparisjóðir og lánaþyrirtæki 0,376%

3. Fjársýsluskattur

Fjármálafyrirtæki, váttryggingafélög, o.fl. 5,5% Laun og þóknanir fyrir störf

4. Sérstakur fjársýsluskattur

Fjármálafyrirtæki, váttryggingafélög o.fl. 6%

Tekjuskattsstofn yfir
1 milljarð króna án tillits
til samsk. og yfirf. taps

5. Útvarpsgjald kr. 17.900

Skattskyldir lögaðilar. Ekki lagt á dánarbú, þrotabú lögaðila sem eru undanþegnir skattskyldu

6. Gistináttaskattur kr. 300

Seldar gistináttaeiningar

7. Tryggingagjald/Markaðsgjald

Til gjaldstofns teljast hvers konar laun og þóknanir, þ.á.m. móttframlag launagreiðenda til lífeyrissjóðs. Til tryggingagjaldsskyldra hlunninda teljast meðal annars fæði, húsnæði, fatnaður, ökutækjastyrkur, bifreiðaafnot o.þ.h., en þau skal reikna til gjaldstofns á sama verði og þau eru metin til tekna samkvæmt skattmati fjármálaráðherra. Greiðslur launagreiðenda vegna fæðingarorlofs mynda ekki stofn til tryggingagjalds nema þær fari yfir ákveðið hámark.

Tryggingagjald árið 2020:

Almennt gjaldstig 6,35%
Sjómenn 7%

Á staðgreiðsluárinu 2020 er tryggingagjaldshlutfallið samtals 6,35%. Þar af er tryggingagjaldið sjálft 4,90%, atvinnuþryggingagjald 1,35%, gjald í ábyrgðasjóð launa (0,05%) og markaðsgjald (0,05%). Sérstök trygging vegna sjómanna á fiskiskipum er 0,65% og bætist við almennt álagningarhlutfall.

Ef reiknað endurgjald eða greidd vinnulaun til annarra ná ekki kr. 504.000 á árinu er gjaldanda heimilt, í stað þess að skila mánaðarlega, að senda skilagrein ásamt greiðslu einu sinni á ári eins og um uppgjör fyrir desember væri að ræða.

Um tryggingagjald vegna launa þeirra starfsmanna sem eru með vottorð A1/E-101 gilda sérstakar reglur, en þá greiðist aðeins hluti tryggingagjaldsins.

II. AFSKRIFTARHLUTFÖLL OG FYRNINGAR

Árið 2020

| | |
|---|---------|
| Skip, skipsbúnaður og fólksbifreiðar fyrir færri en 9 menn aðrar en leigubifreiðar | 10-20% |
| Loftför og fylgihlutir | 10-20% |
| Verksmiðjuvélar, iðnaðarvélar og tæki | 10-30% |
| Borpallar, leiðslukerfi og annar búnaður til notkunar við rannsóknir og vinnslu kolefnis..... | 10-30% |
| Skrifstofuáhöld og tæki | 20-35% |
| Vélar, tæki, bifreiðar og annað lausafé, sem ekki fellur undir ofangreint | 20-35% |
| Íbúðarhúsnæði, skrifstofu- og verslunarbyggingar | 1-3% |
| Verksmiðju- og verkstæðisbyggingar, vörugeymslur o.fl. | 3-6% |
| Gróðurhús, bryggjur og plön þeim tengd | 6-8% |
| Borholur, raflínur og óvaranlegar vinnubúðir | 7,5-10% |
| Keyptur eignarréttur að hugverkum og auðkennum | 15-20% |
| Keypt viðskiptavild | 10-20% |

Lausafjármunir eru afskrifaðir samkvæmt stiglækkandi fyrningum. Það felur í sér að fyrningarstofn eignarinnar er bókfært verð hennar, þ.e. stofnverð hennar að frádregnum áður fengnum fyrningum. Mannvirki, eyðanleg náttúruauðæfi, keypt viðskiptavild og keyptur eignarréttur að hugverkum og auðkennum eru hins vegar afskrifuð samkvæmt línulegri fyrningu. Þá er fyrningarstofn eignarinnar upphaflegt kaupverð hennar. Eignir, aðrar en keyptur eignarréttur að hugverkum, auðkennum og keypt viðskiptavild, má aldrei fyrna meira en svo að 10% af stofnverði standi eftir sem niðurlagsverð eignar.

Fyrningartími eigna hefst við byrjun þess rekstrarárs þegar þær eru fyrst nýttar við öflun tekna. Ekki er heimilt að fyrna eign á því rekstrarári þegar nýtingu hennar lýkur nema söluverð eða annað andvirði sé lægra en eftirstöðvar fyrningarverðs. Er þá heimilt að gjaldfæra mismuninn. Þegar kostnaðarverð einstakra eigna eða eignasamstæða er undir kr. 250.000 er heimilt að færa það að fullu til gjalda á því ári sem þeirra er aflað. Þá er heimilt að færa niður stofnkostnað á því ári sem viðkomandi eign myndast eða með jöfnum fjárhæðum á fimm árum.

Stofnkostnað við kaup á réttindum sem ekki rýrna vegna notkunar, þ.á.m. aflaheimildir, er ekki heimilt að fyrna. Verðmæti slíkra réttinda er ekki heimilt að færa til frádráttar skattskyldum tekjum.

III. ÖNNUR ATRIÐI ER VARÐA AÐILA Í ATVINNUREKSTRI

1. Samsköttun

Ríkisskattstjóri getur heimilað að tvö eða fleiri hlutafélög, einkahlutafélög og samlagshlutafélög séu skattlögð saman. Sömu reglur gilda um fastar starfsstöðvar hlutafélaga og einkahlutafélaga í aðildarríkjum Evrópska efnahagssvæðisins, aðildarríkjum stofnsamnings Fríverslunarsamtaka Evrópu og í Færeyjum. Tap í fastri starfsstöð sem ekki er hægt að jafna í erlendu félagi föstu starfsstöðvarinnar er heimilt að nýta hjá íslensku félagi. Skilyrði samsköttunar eru að móðurfélag eigi a.m.k. 90% hlutfjár í dótturfélagi, að öll hlutafélögin hafi sama reikningsár, eignarhald hafi varað allt reikningsárið, nema þegar um stofnun eða slit á dótturfélagi er að ræða, og að samsköttunin standi að lágmarki í fimm ár. Samsköttun fellur niður með félagi sem tekið er til gjaldþrotaskipta eða slitameðferðar.

2. Stofn til staðgreiðslu af arði

Stofn til staðgreiðslu af arði telst arður af hlutum og hlutabréfum í hlutafélögum, einkahlutafélögum og samlagshlutafélögum, þ.e. sú fjárhæð sem þau félög greiða, að undanteknum arði sem greiddur er á milli samskattaðra hlutafélaga, einkahlutafélaga eða samlagshlutafélaga.

3. Samskráning á virðisaukaskattsskrá

Ríkisskattstjóri getur heimilað að tvö eða fleiri hlutafélög eða einkahlutafélög verði samskráð á virðisaukaskattsskrá. Skilyrði samskráningar eru þau sömu og fyrir samsköttun í tekjuskatti. Umsókn skal senda ríkisskattstjóra ekki síðar en 8 dögum fyrir upphaf fyrsta reikningsárs sem samskráningu er ætlað að taka til.

4. Söluhagnaður af eignarhlutum í félögum

Við álagningu 2020 vegna tekjuársins 2019 gildir að söluhagnaður vegna sölu hlutafélaga og einkahlutafélaga á hlutabréfum er frádráttarbær frá tekjum óháð eignarhluta og jöfnun taps. Frádrátturinn gildir bæði um sölu innlendra og erlendra hlutabréfa, þó þannig að ef um er að ræða sölu á erlendum hlutabréfum skal hagnaður hins erlenda félags vera skattlagður með svipuðum hætti og hjá íslenskum félögum og í skatthlutfalli sem ekki er lægra en almennt skatthlutfall í einhverju aðildarríkja OECD eða á Evrópska efnahagssvæðinu. Sölutap er ekki frádráttarbært til skatts. Sama gildir um söluhagnað félaga í sömu félagaförmum sem skattskyld eru skv. 7. tölul. 3. gr. tekjuskattslaga og eru heimilisföst í öðru aðildarríki á Evrópska efnahagssvæðinu.

| | |
|---------------|--|
| Kaupár | Útreikningur á skattskyldum söluhagnaði |
| 1996 og fyrr | Mismunur á söluverði og kaupverði. Kaupverð í árslok 1996 ákvarðast sem upphaflegt kaupverð þeirra eða jöfnunarverðmæti þegar það hefur verið hækkað skv. verðbreytingarstuðli fyrir hvert ár til ársloka 2001, enda séu hlutabréfin eignfærð í atvinnurekstrinum. |
| 1997-2001 | Mismunur á söluverði og kaupverði. Kaupverð í árslok 2001 ákvarðast sem upphaflegt kaupverð hlutabréfanna þegar það hefur verið hækkað samkvæmt verðbreytingarstuðli fyrir hvert ár til ársloka 2001, enda séu hlutabréfin eignfærð í atvinnurekstrinum. |
| 2002-2019 | Mismunur á söluverði og kaupverði. |

5. Arðstekjur hlutafélaga

Hlutafélögum og einkahlutafélögum er heimilt að draga frá skattskyldum tekjum sínum móttekinn arð sem þau fá frá hlutafélögum og einkahlutafélögum. Hið sama gildir um móttekinn arð erlendis frá, hafi hagnaður hlutafélagsins, sem verið er að úthluta, verið skattlagður með svipuðum hætti og gert er hér á landi. Skilyrði er að skatthlutfall, sem lagt er á hagnað hins erlenda félags, sé eigi lægra en almennt skatthlutfall í einhverju aðildarríkja OECD, EES, EFTA eða í Færeyjum. Sama gildir um fjárhæð sem félög í sömu félagaförum sem skattskyld eru skv. 7. tölul. 3. gr. tekjuskattslaga og eru heimilisföst í öðru aðildarríki á Evrópska efnahagssvæðinu hafa fengið greidda í arð.

6. Frádráttur vegna rannsóknar- og þróunarverkefna

Nýsköpunarfyrirtæki sem er eigandi að rannsóknar- eða þróunarverkefnum sem hlotið hafa staðfestingu Rannís á rétt á frádrætti frá tekjuskatti sem nemur 20% af útlögðum kostnaði vegna þessara verkefna enda sé kostnaðurinn frádráttarbær samkvæmt skattalögum. Hámark kostnaðar til útreiknings á frádrætti hjá hverju fyrirtæki skal vera kr. 600.000.000 á rekstrarári en kr. 900.000.000 ef um er að ræða aðkeypta rannsóknar- eða þróunarvinnu. Sé álagður tekjuskattur lægri en ákvarðaður skattfrádráttur er mismunurinn greiddur út. Sjá nánar reglugerð nr. 758/2011 um stuðning við nýsköpunarfyrirtæki.

7. Eftirstöðvar rekstrartapa

Frá skattskyldum tekjum á rekstrarárinu 2019 (framtal 2020) er heimilt að draga eftirstöðvar rekstrartapa frá síðustu tíu árum, enda hafi ekki orðið veruleg breyting á þeim rekstri eða starfsemi sem í hlut á.

8. Reiknað endurgjald

Maður sem vinnur við eigin atvinnurekstur eða sjálfstæða starfsemi, eða telst vera með ráðandi stöðu í atvinnurekstri vegna eignar- eða stjórnunaraðildar, skal reikna sér til tekna ekki lægra endurgjald fyrir starfið en hann hefði haft sem laun fyrir það hjá óskyldum eða ótengdum aðila. Sama gildir um vinnu maka manns, barna hans, venslamanna og nákominna ættingja, sem innt er af hendi við atvinnurekstur eða sjálfstæða starfsemi hans.

Viðmiðunarfjárhæðir reiknaðs endurgjalds á mánuði árið 2020 (lágmarksviðmiðanir):

| | |
|------------------|--|
| Flokkur A | Sérfræðipjónusta (8 flokkar): kr. 762.000-3.047.000 |
| Flokkur B | Almenn starfsemi, iðnaður, verslun, útgerð og þjónusta (6 flokkar): kr. 465.000-1.280.000 |
| Flokkur C | Fjölmiðlun, listamenn, skemmtikraftar, útgefendur, sérhæfð sölustarfsemi eða þjónusta o.fl. (7 flokkar): kr. 485.000-1.236.000 |
| Flokkur D | Iðnaðarmenn (3 flokkar): kr. 374.000 - 616.000 |
| Flokkur E | Ýmis starfsemi einyrkja, ófaglærðra og vélstjórnenda (5 flokkar): kr. 300.000-563.000 |
| Flokkur F | Sjómennska (5 flokkar): kr. 516.000-772.000 |
| Flokkur G | Landbúnaður (6 flokkar): kr. 168.000-475.000 |
| Flokkur H | Makar og nákomnir venslamenn (3 flokkar): kr. 258.000-775.000 Börn (2 flokkar): kr. 155.000-180.000 |

9. Takmörkun á frádrætti vaxtagjalda (þunn eiginfjármögnun)

Frá og með rekstrarárinu 2017 tóku gildi reglur um takmörkun á frádrætti vaxtagjalda vegna þunnrar eiginfjármögnunar (e. thin-capitalization). Frádráttur vaxtagjalda og affalla skattaðila vegna lánaviðskipta við tengda aðila takmarkast við 30% af hagnaði skattaðilans. Þau vaxtagjöld og afföll sem umfram eru koma ekki til frádráttar. Með hagnaði er átt við hagnað samkvæmt ársreikningi að viðbættum tekjuskatti, fjármagnsliðum, afskriftum og niðurfærslum fastafjármuna. Hafi skattaðili fært í rekstrarreikning hlutdeildartekjur frá öðru félagi innan samstæðu skal draga þær frá framangreindum hagnaði og bæta við úthlutuðum arði frá sama félagi hafi arðgreiðsla átt sér stað.

Takmörkun á frádrætti vaxtagjalda á ekki við ef;

- vaxtagjöld og afföll skattaðila vegna lánaviðskipta við tengda aðila eru lægri en kr. 100.000.000,
- vaxtagjöld eru greidd vegna lánaviðskipta innan samstæðu sem nýtur heimildar til samsköttunar eða uppfyllir skilyrði til samsköttunar, þegar öll félög samstæðu eru heimilisföst á Íslandi,
- skattaðili sýnir fram á að eiginfjárlutfall hans sé eigi lægra en tveimur prósentustigum undir eiginfjárlutfalli samstæðu sem hann tilheyrir eða

- skattaðili er fjármálafyrirtæki samkvæmt lögum um fjármálafyrirtæki, váttryggingafélag samkvæmt lögum um váttryggingastarfsemi eða félag í eigu fyrrgreindra aðila sem starfar í sambærilegum rekstri.

Undanþágan varðandi eiginfjárlutfall skattaðila gildir þó ekki ef eigið fé skattaðila var hækkað innan við sex mánuðum fyrir dagsetningu efnahagsreiknings og lækkað aftur að samsvarandi fjárhæð innan við sex mánuðum eftir dagsetningu efnahagsreiknings. Hafi skattaðili bókfært eignarhlut í öðru fyrirtæki samstæðunnar samkvæmt hlutdeildaraðferð ber við útreikning á eiginfjárlutfalli að miða við kostnaðarverð eignarhlutans.

Frá og með 1. janúar 2019 var ofangreind undanþága frá takmörkun á frádrætti vaxtagjalda breytt á þann veg að takmörkunin mun nú jafnframt gilda um lánaviðskipti þar sem lánveitandi ber ótakmarkaða skattskyldu hérlendis en áður gildi hún einungis um lán frá erlendum tengdum aðilum. Takmörkun á vaxtafrádrætti gildir þó ekki ef um er að ræða vaxtagjöld sem greidd eru vegna lánaviðskipta innan samstæðu sem nýtur heimildar til samsköttunar eða uppfyllir skilyrði til samsköttunar, þegar öll félög samstæðu eru heimilisföst á Íslandi.

10. Skattlagning vegna erlends eignarhalds í félögum og sjóðum á lágskattasvæðum

Ef skattaðili á beint eða óbeint 50% eða meiri eignarhlut í félagi eða sjóði á lágskattasvæði leiðir það til þess að hagnaður félagsins telst til atvinnurekstrartekna samkvæmt íslenskum reglum. Fjármálaráðherra hefur gefið út reglugerð nr. 1102/2013, um skattlagningu vegna eignarhalds í lögaðilum á lágskattasvæðum. Heimild til að endurákværða skatt skv. 96. gr. laga um tekjuskatt tekur til síðustu tíu ára á undan því ári þegar endurákvörðun fer fram vegna tekna og eigna skattaðila í lágskattaríkjum.

IV. VIRÐISAUKASKATTUR

1. Skattþrep virðisaukaskatts

Almennt skattþrep virðisaukaskatts er 24%.
Lægra skattþrep virðisaukaskatts er 11%.

2. Endurgreiðsla virðisaukaskatts

Þeir sem byggja íbúðarhúsnæði fá 60% þess virðisaukaskatts sem þeir hafa greitt af vinnu manna á byggingarstað endurgreiddan. Endurgreiðslan á einnig við um eigendur íbúðarhúsnæðis vegna þess virðisaukaskatts sem þeir hafa greitt af vinnu manna við endurbætur eða viðhald húsnæðisins.

3. Gjald vegna virðisaukaskattsskýrslu sem skilað er í kjölfar áætlunar

Sérstakt gjald að fjárhæð kr. 5.000 er lagt á hverja virðisaukaskattsskýrslu sem skilað er í kjölfar áætlunar virðisaukaskatts á viðkomandi skattaðila.

4. Fjárhæðamörk skráningarskyldu

Fjárhæðamörk þeirra sem eru skráningarskyldir vegna virðisaukaskatts eru kr. 2.000.000.

5. Synjun um skráningu á virðisaukaskattsskrá

Heimilt er að synja aðila um skráningu á virðisaukaskattsskrá liggja fyrir að hann hafi ekki uppfyllt framtalsskyldur sínar á einhverju ári af næstliðnum þremur tekjuárum á undan því ári sem sótt er um skráningu og opinber gjöld hans af þeim sökum áætluð.

6. Heimild til að fella skattaðila af virðisaukaskattsskrá / stöðva atvinnurekstur

Ríkisskattstjóra er heimilt að fella skattaðila af virðisaukaskattsskrá sem sæta áætlun samfelt í tvö uppgjörstímabil eða lengur. Ef skattaðili er skráður að nýju á virðisaukaskattsskrá, skal hann nota hvern almanaksmánuð sem uppgjörstímabil í a.m.k. tvö ár. Nýskráðum og endurskráðum aðilum ber einnig að haga skilum sínum á þennan hátt ef eigandi félags, framkvæmdastjóri eða stjórnarmaður þess hefur orðið gjaldþrota á næstliðnum fimm árum fyrir skráningu á virðisaukaskattsskrá. Þá hefur ríkisskattstjóri heimild til að stöðva atvinnurekstur skattaðila ef þeir t.d. vanrækja að færa bókhald eða nota tilskilið söluskráningarkerfi, vanrækja tilkynningarskyldu eða skilaskyldu á virðisaukaskatti, eða sæta áætlun á virðisaukaskatti í tvö uppgjörstímabil eða fleiri á næstliðnum tveimur árum frá yfirstandandi uppgjörstímabili.

7. Takmarkanir á færslu innskatts

Heimild til færslu innskatts er háð því að viðsemjandi skattaðilans sé á virðisaukaskattsskrá þegar viðskipti eiga sér stað. Sjá nánar reglugerð um innskatt nr. 192/1993.

8. Niðurfelling virðisaukaskatts af rafmagns-, vetnis- eða tengiltvinnbifreiðum

Heimild til að fella niður virðisaukaskatt eða telja til undanþeginnar veltu fjárhæð að ákveðnu hámarki við innflutning og skattskylda sölu rafmagns- eða vetnis-, að tilteknum skilyrðum uppfylltum hefur verið framlengdur og gildir út árið 2023. Virðisaukaskattsívilnanir fyrir tengiltvinnbifreiðar falla niður eftir 31. desember 2022. Fjárhæðarmörk heimildar til niðurfellingar virðisaukaskatts og undanþágu frá skattskyldri veltu við kaup á rafmagns- eða vetnisbifreið hafa verið hækkuð.

9. Heimild erlendra aðila sem veita rafrænt afhenta þjónustu o.fl. að skrá sig á virðisaukaskattskrá

Erlendum atvinnufyrirtækjum, sem veita hér á landi rafrænt afhenta þjónustu, fjarskiptaþjónustu eða útvarps- og sjónvarpsþjónustu til annarra en atvinnufyrirtækja, er heimilt að skrá sig annaðhvort í almennri skráningu eða einfaldri skráningu hér á landi. Einfalda skráningin mun fara fram í rafrænu skráningarkerfi en þau atvinnufyrirtæki sem skrá sig í einfaldri skráningu hafa ekki heimild til að færa virðisaukaskatt til innskatts.

Aðrar upplýsingar

| Vísitölur ¹ | janúar 2019 | janúar 2020 | breyting |
|---------------------------------|-------------|-------------|----------|
| Byggingarvísitala | 142,1 | 146,7 | +3,24% |
| Lánskaravísitala | 9.093 | 9.335 | +2,66% |
| Neysliverðsvísitala til verðtr. | 460,5 | 472,8 | +2,6% |

Tvísköttunarsamningar

Í eftirfarandi töflu má finna þau ríki sem Ísland hefur gert tvísköttunarsamninga við. Í töflunni eru ennfremur upplýsingar um afdráttarskatthlutfall á arði sem félag heimilisfast í öðru samningsríkinu greiðir félagi í hinu samningsríkinu og um lækkað afdráttarskatthlutfall. Neðangreind skatthlutföll gilda að uppfylltum ákveðnum skilyrðum en ekki gefst kostur á að birta þau öll hér. Í töflunni má einnig sjá afdráttarskatthlutfall vaxta og þóknana (e. royalties).

¹ Samkvæmt upplýsingum frá Hagstofu Íslands.

| Land | Arður | | Vextir | Þóknanir |
|---------------|------------|-----------------------------|--------|-----------------------|
| | Einst./Ft. | Eignarhaldsft. ² | | |
| Albanía | 10% | 5% | 10% | 10% |
| Austurríki | 15% | 5% | 0% | 5% |
| Bandaríkin | 15% | 5% | 0% | 0 / 5% ³ |
| Barbados | 15% | 5% | 10% | 5% |
| Belgía | 15% | 5% | 10% | 0% |
| Bretland | 15% | 5% | 0% | 0% |
| Eistland | 15% | 5% | 10% | 5% / 10% ⁴ |
| Frakkland | 15% | 5% | 0% | 0% |
| Georgía | 10% | 5% | 5% | 5% |
| Grikkland | 15% | 5% | 8% | 10% |
| Grænland | 15% | 5% | 0% | 15% |
| Holland | 15% | 0% | 0% | 0% |
| Indland | 10% | — | 10% | 10% |
| Írland | 15% | 5% | 0% | 0% / 10% ⁴ |
| Ítalía | 15% | 5% | 0% | 5% |
| Japan | 15% | 5% | 10% | 0% |
| Kanada | 15% | 5% | 10% | 0% / 10% ⁴ |
| Kína | 10% | 5% | 10% | 10% |
| Krótía | 10% | 5% | 10% | 10% |
| Kýpur | 10% | 5% | 0% | 5% |
| Lettland | 15% | 5% | 10% | 5% / 10% ⁴ |
| Liechtenstein | 15% | 0% | 0% | 5% |
| Litháen | 15% | 5% | 10% | 5% / 10% ⁴ |
| Lúxemborg | 15% | 5% | 0% | 0% |
| Malta | 15% | 5% | 0% | 5% |
| Mexíkó | 15% | 5% | 10% | 10% |
| Norðurlönd | 15% | 0% | 0% | 0% |
| Portúgal | 15% | 10% | 10% | 10% |
| Pólland | 15% | 5% | 10% | 10% |
| Rúmenía | 10% | 5% | 3% | 5% |
| Rússland | 15% | 5% | 0% | 0% |
| Slóvakía | 10% | 5% | 0% | 10% |
| Slóvenía | 15% | 5% | 5% | 5% |
| Spánn | 15% | 5% | 5% | 5% |
| Suður-Kórea | 15% | 5% | 10% | 10% |
| Sviss | 15% | 0% | 0% | 0% |
| Tékkland | 15% | 5% | 0% | 10% |
| Ungverjaland | 10% | 5% | 0% | 10% |
| Úkraína | 15% | 5% | 10% | 10% |
| Víetnam | 15% | 10% | 10% | 10% |
| Þýskaland | 15% | 5% | 0% | 0% |

² Til þess að fyrirtæki fái notið þessa skatthlutfalls þarf viðtakandi arðgreiðslu að eiga lágmarks eignarhlut í fyrirtækinu. 25% eignarhlut þarf til í flestum löndum, en 10% eignarhlutur nægir í tilvikum Austurríkis, Bandaríkjanna, Belgíu, Bretlands, Frakklands, Hollands, Ítalíu, Kanada, Kýpur, Liechtenstein, Möltu, Mexíkó, Norðurlanda og Sviss. Varðandi Japan þá þarf fyrirtækið að eiga a.m.k. 10% af fjármagni þess félags sem er heimilisfast á Íslandi þegar það greiðir út arðinn eða atkvæðisrétt í því félagi sem er heimilisfast í Japan þegar það greiðir út arðinn.

³ Lægri talan á við um afnot af vörumerki og upplýsingum sem látnar eru í té í tengslum við það ásamt kvikmyndum sem fjölfaldaðar eru á filmu og eru ætlaðar til notkunar í tengslum við sjónvarp.

⁴ Lægri talan á við um tækjaleigu.

Upplýsingaskiptasamningar

Samningar eru í gildi um upplýsingaskipti um skattamál við stjórnvöld á Andorra, Angvilla, Antígva og Barbúda, Arúba, Bahamaeyjum, Barein, Belís, Bermúdaeyjum, Botswana, Bresku Jómfrúaeypum, Brúnei Darússalam, Cayman-eyjum, Cooks-eyjum, Dóminíka, Gíbraltar, Grenada, Guernsey, Hollensku Antillur, Hong Kong í Alþýðuveldinu Kína, Jersey, Liechtenstein, Líberíu, Makaó, Marshall eyjar, Míritíus, Montserrat, Mónakó, Mön, Niue, Panama, Samóa, San Marínó, Sankti Lúsíu, Seychelles, Turks- og Caicos-eyjum og Úrugvæ ásamt samningum um að komast hjá tvísköttun einstaklinga hvað varðar skatta á tekjur og fyrirtæki sem reka skip eða loftför í flutningum á alþjóðaleiðum, og um gagnkvæmt samkomulag í tengslum við leiðréttingu á hagnaði tengdra fyrirtækja.

Þá er í gildi FATCA samningur á milli Íslands og Bandaríkjanna um upplýsingaskipti vegna fjármálastofnana.

Ýmsar aðrar breytingar

Tollar og gjöld

Frá og með 1. janúar 2020 taka gildi margvíslegar breytingar á ýmsum krónutölgjöldum, þ.m.t. gjöldum af áfengi og tóbaki, vörugjald af ökutækjum og eldsneyti, olíugjald og kílómetragjald og bifreiðagjald.

Virðisaukaskattur

Frá og með 1. janúar 2020 taka í gildi ýmsar breytingar sem snerta skattlagningu vistvænna ökutækja. Bráðabirgðaákvæði XXXIII og XXXIV taka þó ekki gildi fyrr en 1. júlí 2020.

Samningur um breytingar á tvísköttunarsamningum

Þann 1. janúar 2020 kom til framkvæmda marghliða samningur um breytingar á tvísköttunarsamningum til þess að koma í veg fyrir rýrnum skattstofna og tilfærslu hagnaðar (MLI eða Multilateral Instrument) sem er hluti af BEPS aðgerðaráætlun (e. Base Erosion and Profit Shifting) sem er leidd af Efnahags- og framfarastofnuninni (e. OECD). Markmiðið með aðgerðaráætluninni er að koma böndum á möguleika alþjóðlegra stórfyrirtækja til skattasniðgöngu á grundvelli tilflutnings hagnaðar. Ákvæði MLI ganga framur tilteknum ákvæðum í tvísköttunarsamningum þeirra ríkja sem samþykkt hafa að beita MLI.

Gengi

Opinbert viðmiðunargengi Seðlabanka Íslands

| | Kaup 31.12.2019 | Sala 31.12.2019 | Mið 31.12.2019 | Kaup 31.12.2018 | Sala 31.12.2018 | Mið 31.12.2018 | Breytingar m.v. sölugengi |
|-----|--------------------|--------------------|-------------------|--------------------|--------------------|-------------------|------------------------------|
| USD | 120,81 | 121,39 | 121,1 | 116,05 | 116,61 | 116,33 | 4,10% |
| GBP | 159,03 | 159,81 | 159,42 | 147,97 | 148,69 | 148,33 | 7,48% |
| DKK | 18,129 | 18,235 | 18,182 | 17,790 | 17,894 | 17,842 | 1,90% |
| NOK | 13,734 | 13,814 | 13,774 | 13,363 | 13,441 | 13,402 | 2,78% |
| SEK | 12,956 | 13,032 | 12,994 | 12,982 | 13,058 | 13,020 | -0,2% |
| CHF | 124,79 | 125,49 | 125,14 | 12,982 | 118,56 | 118,23 | 5,85% |
| CAD | 92,67 | 93,21 | 92,94 | 85,22 | 85,72 | 85,47 | 8,74% |
| JPY | 1,1122 | 1,1188 | 1,1155 | 1,0539 | 1,0601 | 1,0570 | 5,54% |
| SDR | 167,25 | 168,25 | 167,75 | 161,34 | 162,30 | 161,82 | 3,67% |
| EUR | 135,45 | 136,21 | 136,21 | 132,86 | 133,60 | 133,23 | 1,95% |

Meðaltal miðgengis árið 2019

| USD | GBP | DKK | NOK | SEK | CHF | CAD | JPY | SDR | EUR |
|--------|--------|-------|--------|--------|--------|-------|-------|--------|-------|
| 122,65 | 156,49 | 18,39 | 13,935 | 12,968 | 123,46 | 92,46 | 1,126 | 169,44 | 137,3 |

Starfsstöðvar Deloitte

Höfuðborgarsvæðið

Smáratorgi
201 Kópavogi
Sími 580 3000

Egilsstaðir

Kaupvangi 3b
700 Egilsstöðum
Sími 580 3400

Neskaupstaður

Egilsbraut 21
Pósthólf 161
740 Neskaupstað
Sími 580 3410

Snæfellsbær

Ólafsbraut 21
355 Snæfellsbæ
Sími 580 3430

Vestmannaeyjar

Vesturvegi 5
Pósthólf 122
900 Vestmannaeyjum
Sími 580 3370

Höfn í Hornafirði

Krosseyjarvegi 17
780 Höfn í Hornafirði
Sími 580 3000

Akureyri

Glerárgötu 28
600 Akureyri
Sími 580 3380

Grundarfjörður

Grundargötu 30
350 Grundarfirði
Sími 580 3440

Reykjanesbær

Hafnargötu 91
230 Reykjanesbæ
Sími 580 3460

Húsavík

Garðarsbraut 5
640 Húsavík
Sími 580 3388

Hveragerði

Austurmörk 4, 2.hæð
810 Hveragerði
Sími 580 3000

Samstarfsaðilar

Endurskoðun Vestfjarða ehf.
Aðalgötu 19, 415 Bolungarvík
Sími 450 7900

Endurskoðun Vestfjarða ehf.
Hafnarstræti 9-13, 400 Ísafirði
Sími 450 7910

NUMO – Løggilt
grannskoðanarvirki Sp/f
Klaksvíksvegur 77, 710
Klaksvík, Færeyjar
Sími +298 20 13 13
www.numo.fo

Deloitte vísar til eins eða fleiri aðildarféлага innan Deloitte Touche Tohmatsu Limited („DTTL“) og tengdra féлага. DTTL (einnig vísað til sem („Deloitte á alþjóðavísu“) og hvert aðildarfélag þess eru lagalega aðskildir og sjálfstæðir lögaðilar. DTTL innir ekki af hendi þjónustu til viðskiptavina. Fyrir frekari upplýsingar; www.deloitte.com/about.

Deloitte er leiðandi þjónustuveitandi á sviði endurskoðunar og reikningsskila, tækni- og stefnumótunarráðgjafar, fjármálaráðgjafar, áhætturáðgjafar, skatta- og lögfræðiráðgjafar og tengdrar þjónustu. Alþjóðlegt net aðildarféлага okkar spannar meira en 150 lönd og landsvæði. Hjá Deloitte starfa um 312.000 sérfræðingar sem stefna saman að því að veita ávallt framúrskarandi þjónustu. Deloitte ehf. er hlutdeildarfélag Deloitte NSE LLP sem er aðildarfélag Deloitte Touche Tohmatsu Limited („DTTL“).

Upplýsingar þær sem fram koma í bæklingi þessum eru unnar upp úr gildandi lögum og reglum í upphafi árs 2020. Upplýsingarnar eru almenns eðlis og er ekki ætlað að vera tæmandi upplýsingagjöf. Við hvetjum þig til að leita faglegrar aðstoðar við úrlausn skattamála. Nánari upplýsingar er að finna á heimasíðu Deloitte ehf. Þar er meðal annars hægt að finna útgefnar skýrslur og erindi um ýmis mál af vettvangi skattaréttar.

Þá bendum við á eftirfarandi heimasíður sem hafa að geyma frekari upplýsingar um skatta og málefni er tengjast þeim: www.rsk.is, www.yskn.is, www.hagstofa.is og www.tollur.is.

Deloitte refers to one or more of Deloitte Touche Tohmatsu Limited (“DTTL”), its global network of member firms, and their related entities. DTTL (also referred to as “Deloitte Global”) and each of its member firms are legally separate and independent entities. DTTL does not provide services to clients. Please see www.deloitte.com/about to learn more.

Deloitte is a leading global provider of audit and assurance, consulting, financial advisory, risk advisory, tax, legal and related services. Our network of member firms in more than 150 countries and territories serves four out of five Fortune Global 500® companies. Learn how Deloitte’s approximately 312,000 people make an impact that matters at www.deloitte.com. Deloitte ehf. is an affiliate of Deloitte NSE LLP, a member firm of Deloitte Touche Tohmatsu Limited (“DTTL”).

This publication contains general information only, and none of Deloitte Touche Tohmatsu Limited, its member firms, or their related entities (collectively, the “Deloitte Network”) is, by means of this publication, rendering professional advice or services. Before making any decision or taking any action that may affect your finances or your business, you should consult a qualified professional adviser. No entity in the Deloitte Network shall be responsible for any loss whatsoever sustained by any person who relies on this publication.

© 2020 Deloitte ehf. Nánari upplýsingar má nálgast hjá Deloitte ehf.